

KJKP "RAD" d.o.o. SARAJEVO, Paromlinska 57. (u daljem tekstu: "RAD"), koga zastupa v.d. direktor Mirsad Hošić, dipl.ing.maš.

Broj rješenja: UF/I-889/01

Porezni broj: 01700105

Identifikacioni PDV broj: 200316890001

Transakcijski račun broj: 338-900-22080776-49 UniCredit banka d.d. Sarajevo

i

Automatic servis d.o.o. Visoko, Industrijska zona Ozrakovići bb, 71300 Visoko, (u daljem tekstu: Davalac usluga), koga zastupa direktor Čakić Šukrija.

MBS 43-01-0008-1

ID: 4218271000006

PDV broj: 218271000006

Transakcijski račun broj: 338-570-22000139-13 UniCredit banka d.d.

zaključili su:

U G O V O R **o javnoj nabavci usluga**

PREDMET UGOVORA

Član 1.

Izvršilac usluga se obavezuje da će u prostorijama (a na osnovu predložene lokacije od strane korisnika usluga) instalirati aparate za distribuciju toplih napitaka, a koje će davalac usluga održavati i opskrbljivati, u skladu sa ponudom od dana 02.02.2021. godine.

CIJENA I NAČIN PLAĆANJA

Član 2.

Cijena jednog toplog napitka iznosi: 0,43 KM bez PDV-a, dok sa uračunatim PDV-om iznosi: 0,50 KM.

Mjesečna cijena za količinu od 720 napitaka iznosi: 309,60 KM bez PDV-a.

Ukupna godišnja cijena iznosi: 3.715,20 KM bez PDV-a.

Član 3.

Fakturisanje usluge iz člana 1. ovog Ugovora vrši se nakon izvršenog obračuna, odnosno sravnjavanja brojčanika na uređaju na kraju mjeseca.

Naručilac (KJKP „Rad“ d.o.o. Sarajevo) se obavezuje da će iznos ispostavljene fakture za broj iskorištenih napitaka uplatiti u roku od 60 dana od dana ispostavljanja fakture.

ROK IZVRŠENJA USLUGA

Član 4.

Rok izvršenja usluga je odmah po potpisu Ugovora.

UGOVORNE KAZNE

Član 5.

U slučaju kašnjenja u obavljanju usluga, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% vrijednosti naručenih usluga, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluga koje su predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos.

ANTIKORUPCIONA KLAUZULA

Član 6.

(1) Ugovorne stranke se izričito obavezuju da će se u izvršavanju poslova po ovom ugovoru izričito suzdržati od bilo kakvih radnji koje bi imale znakove koruptivnog postupanja.

(2) Ugovorne strane se obavezuju da neće dati, obećati ili prihvatiti bilo kakav poklon ili isplatu u novcu ili nekom drugom vrijednom predmetu, posredno ili neposredno jedna drugoj, putem bilo kog službenika ili drugog zaposlenog u jednoj od ugovornih stranaka ili drugom preduzeću (službi, odjeljenju), odnosno bilo kog lica sa svrhom podmićivanja da bi tako naveli nekog službenika ili drugog zaposlenog ili stranku na zloupotrebu svog položaja tako da bi time stekao, zadržao ili usmerio poslove ka naručiocu, zastupniku, distributeru, preduzeću ili drugom povezanom preduzeću.

(3) U slučaju izvršenja ili pokušaja izvršenja radnje iz prethodnog pasusa, već sklopljeni ili važeći ugovor je ništavan, a ako ugovor još nije važeći, računa se da ugovor nije ni bio sklopljen.

UGOVORNE ZABRANE

Član 7.

Prodavac nema pravo zapošljavati, u svrhu provedbe ugovora o javnoj nabavi, fizičke ili pravne osobe koje su sudjelovale u pripremi tenderske dokumentacije ili su bile u svojstvu člana ili stručne osobe koju je angažiralo povjerenstvo za nabave najmanje šest mjeseci po zaključenju ugovora, odnosno od početka realizacije ugovora.

RASKID UGOVORA

Član 8.

Svaka strana zadržava pravo da prekine Ugovor sa prethodnim pismenim upozorenjem i otkaznim rokom od 15 dana.

OSTALE ODREDBE

Član 9.

Predstavnik korisnika usluga će prisustvovati pregledu brojčanika na kraju mjeseca, o čemu će se sačiniti pismena potvrda.

Član 10.

Ugovorne strane mogu sporazumno mijenjati pojedine odredbe ovog Ugovora, odnosno dopunjavati ga Aneksom.

Član 11.

U slučaju spora između ugovorenih strana, isti će nastojati riješiti sporazumno, a u slučaju da to nisu u mogućnosti nadležan je Sud u Sarajevu.

Član 12.

Sastavni dio ovog Ugovora je Ponuda od dana 02.02.2021. godine.

Član 13.

Ugovor stupa na snagu datumom obostranog potpisivanja i traje 12 mjeseci.

Član 14.

Ugovorne strane su saglasne da se na druga pitanja koja nisu regulisana ovim Ugovorom, primjenjuju odredbe Zakona o obligacionim odnosima.

ZAVRŠNE ODREDBE

Član 15.

Ugovor je sačinjen u šest (6) istovjetnih primjerka, 4 (četiri) za Naručioca, a 2 (dva) za Vršioца usluga.

Automatic servis d.o.o. Visoko
Direktor

KJKP "RAD" d.o.o. Sarajevo
v.d. Direktor

Čakić Šukrija

Mirsad Hošić, dipl.ing.maš.

Broj: 05-03-05-_____/21
Dana 12.02.2021. godine

